

Yeesu Uyóriye

Yeesu Uyóriye



Yeesu Uyóriye



Illustrations et texte de Willem de Vink

Propriété littéraire © 1993 Stichting Wereldtaal, Houten, Pays-Bas


Edité en néerlandais sous le titre 'Jezus Messias'

Traduction en sola © 2008 UEEB (Union des Eglises Evangéliques du Bénin)

Tous droits de traduction, de reproduction et d'adaptation réservés pour tous pays

Imprimé aux Pays-Bas

Co-édition mondiale organisée par Wycliffe Pays-Bas, B.P. 150, 3970 AD Driebergen, Pays-Bas



Yoo mpíí písoi mpí rikóitime-i cápineselē má?



Ani nómenécíre cápine!
Ulééca iyoopi ye
sóntile nfáani.



Ani mēfine conse!



Iso isoolu ye pile iké aléé iníjí sémni..



Ne nó símisile re: kuléé kúye kunsá apipi sone m maru, pi ku kéné api nna-i sápo.



In lée ni, íye kai pise re toké nkpéni wa? Wóó yé fe uké n kpáiiilē?

Asei ye nye! Úka úu Ulééca ketahai kúkaase we, amá né memáá unyine ye weme. Uyee yé míni nó wole ne Nfáasone.



Ani mēfine fale kori. Ani ceri re lisone áli nósinéfa-i we. Api míni nó wole ne Nfáasone.





Li yé nyíse re no lala noké mēfine fale-i lō.

Yohani úniwolé yee nní Nsímé Kεcire yóólē nkóímaa ritime-i.

Uyee nē memáá h́ wéme ye h́nape né fele. Ulééca Nfáasone ne unna kuu yé ne melécaani nó wole. Uyee yé kó nó consese meykíyiki. Pi ye liute sée re Yeesu.



Uyee nkó-me



Póo yé ppe né míni wole!



Aai! A míni né wole, Ulééca mela meké kam.




Sáa, mepóla meké wa, ipóyóopi íí weri!




Tinó ari ppe keyómecá-pó leeri re...

Nkó yee kenépipi lala, kekee nnékínighe n te.



Aḡmē mekēē kekoraane-me ke Yohani úniwole uu Upíima mekame isoolu piwai kori. Kumúgē kpe-i Isirayēeli úu Rōm kuyōpiyu kēmeē líka tu.




Íwe-i ke pisuifi apí pēē we. Apí pēē lē nnya uyóriye ifaaci ke antepuye apí n wa m mē. Uyēē tíyesene Ulééca ketahai kuu n túhaanene keké ne rḡpá yo feriye.

Yohani úniwole ye Yeesu nyíse Yuritee ritime-i.

Ani ripaí! Ulééca risaḡpipi tee ye akópe n lése ye ntí.



Meléécaani mewole mḡá, Nfáasone nḡ ne kucesi kóima-mē u sī.



Sitúgē afēena ne sisine afēena, Yeesu úu líka li. Iwele kēmeē ke Ulééca uu upikei kumúgē u nyíse.



Uké ne pikei pē n wa, li pise re uké nyíse re Ulééca mela mee re uké sisoipipi nkpo ilasi kēmeē lese.

Li pise re uké Setani kuḡmaha uyōpi yeē keteni-i iyōpi n le tō. Nkpo ne ncaai kuú ne uiyōpi le.




Èē, Sḡa! Ne la ké lipórókwa wa.



Amá Setani uu Yeesu peeni,
un náasi Yeesu uké upikéi pōne.

*Pōn mēsei Uléēcaa kepi*pi*,
a apare nnyé ripólóse
akpónó aa takai!*


Aai, li kumúgέ re li
wōlaalē te:
ái akpónó ηmane ke
kesoipipi ake
ye li aké ne n fafai.
Uléēcaa nsímé ye
nfáa le.




*Pōn Uléēcaa kepi*pi*,
a kuyómeyáhaalee nkú
kecáá cuumme!
Nté li wōlaalē te
piléēcaatume yé
pó riyéu?*

*In lē a ripái! A kenéyu-i
riwula, aa né yáási.
Né ppe rínanje nnéí pó
he ketē nké kecáá.*


Setani uu ppe Yeesu tíye.
piléēcaatume pōo cépime
piké Yeesu keisi.



Aai!
Li kō wōlaalē
te: ái pise
re pōké
Upóléēcaa
peē.




A ne ketaa né wa, Setani!
Li wōlaalē te: Upíima
Upóléēcaa mēcire kaa
wúlane, umēcire kaa kō
keesine.




Uléēcaa Nfaasōne nn ppe
Yeesu yipu. Uu Kalilee-mē sī.
Kalilee ye ppe nsoipuri
yipaalenle nsone.
Kei ke Yeesu uu papisi.
Ke piso*i* api ncée u n yé
api u tiki piké céri in te uyee
uyóriye nsímé ke antepuye
apí ppe n wai.



Kana ketē akúú kεcɔpε ke pinyine api sɔnnε...



Yeesu ne úni ne pipisane pinyine pin kei kesé we.







Amá anyá kumújé...

Nsímé ñye ye mmú! Píta ye tenentele!

Ani lē ke Yeesu uu nó maane wa.



Ani apóri maamaa nnyé míni yípunu. Ani pɛɛ pisóonne mpí kémɛɛ úyukó séiri uké riléle...



Míni nés? Píta ye pi! Pikecire!



?



Yo nnya kaa píta sone mpí yekei hái ne nkpéní-mɛ?



Íye kai lē wa? Míni ame póló píta. Kúkú! Woo yé fe uu lē wai?

Yeesu Nasarɛti ukó pikei ye pi!

Woo Yeesu uyē mpíí?


Yeesu uu Kalilee ketē kēmee upikēi koru. Kei kuu Uléecaa meyoopi nkó wai pikpíntomecópii keyupi kenyine kapi ye n sée re Kaperinawum kēmee.




Kei kuu kó upipiretiki foí wée.




Piyee toké míni kecímecime-mē ha, aa kei apónyēj fóm.




Sáa, kesine rinéi kari keesi, ári kó ppe líka tĩ.



Too, kaa nní rí ma...



Kúkú... Maamaaci!!





Yakupu!
Yohani! Ani
kam! Ari pikai
ikpintome nnyí
ico cópiilē.



Áa yé rinyosó, Upíma!
Ne ukópekóó le.

Piyee, kepówuú áke kape tó.
Sisoipipi kaa yé není n cópii.



Ani kam ani né ritiki!
Né tíyese ani pisoí psee
yé nē tintiki wéési.




Ani né
ritiki!


Yeesu ne upipiretiki api
Kalilee ketē nnēi kóónú.
Uu Nlécassimé símisi.
Uu pitóiko poisente,
uu aníri lakase, uu ko
mewaisara wapisi.
Nsímé mmē nn pēpē
u n tíkilē nnóo yipu.
Ayu nnēi-i ne Yerusalem
yee Isirayeli ketē kuyu
maa kapi léenti ...




Pēpē aseí nkū ne nníré n
tú ye nkínghē-i welē.
Pi keyáa Iepune.




Nkínghē-i ke pēpē n ténesi
apí we. Ulécaá yé keyáa
pi kpurēi.




Nó nkínghē yēnune pin
né nnya nóinépurí n yē.
Nórinépoó tiké n láárú.
Ihéé kecire ye nó mémpo
keyómecaá-pó.




Lē kani n̄ la picō piké nó wa,
ani limēcō pi wa.




Ani nópinélaaro n̄ la,
ani ye ne Ulécaā pi welu.



Ani ye riséé kémeē lisone
wa, ani kape ipakare n̄ la!




Ani nómenécire tī. Úye un
ucō unōsi n̄ káipi, liute ye
iwásá piwai masile ukēfa-i.



Inípeē ye ipiye kefiráa le.
Ipónípeē in n̄ nyaṛṛ,
ipópiye nnéi yé metéi m̄ má.
Amá ipónípeē in m̄ pólú,
kuṇmaha-i ke ipópiye
nnéi ii ye n̄ we.



Áni yé fe noké píyōsaā pité n̄
keesi nnōcō nse. Ulécaā ne
kewóó, ani uyē kani n̄ la wéē.



Áni kape kōso upírí n̄ tū.
Ani kelécaayo wéēsi.
U yé pēē litōcō nní
piheē nó rikpá.




Ani lē kam nní nó n̄ símisi wa. Nóinésoi
yé pēē n̄ we yare usoi nkó yēē nnyene n̄
tíye uu keparecaā ukēyo mom̄ ikó.




Keyáa kenyine Kaperinawum kuyu-i písoi api kéyo ké-i ké Yeesu uu n̄ we kálesi...

Ári fene tóké písoi mpí kécópe ritiki!



Ton peé ne itúhaa-mē m peenu ní?

Yoo nní?



Ani pi riyá. Pinfatene ye piyele.



Ne apókópe pó sárei.

N̄-ye mmú! Pó kóó?



Uléca kuu lámisi.


Uléca meciere yee ye akópe sárei.

Nsímé n̄-ye mee pimále pólú? Ké re ne apókópe pó sárei n̄e a yisi a sone yee pimále pólú?



N̄e nó ma: Uyóriye ye n̄nape mále uké usoi akópe u sárei. U yé kó fe uu re: a yisi, a kepófine kpisi, a sone.





Maamáaci!


U sónnele!

A ripaí! Né fe am sónne... Né sónnele!


Yeesu piké ápi ne rnpá úye risá, aí ne kuyómeyáhaalee piwéése nákiise. Pi wéésile piké yé in te Yeesu ye isé tikilē. Isé ye ncée he re rnpá úye úu kape kewénteyaa keesi...



Utisi unyine ye nkó ne kunípe kpkp. Li pise re toké lisone née likópe wa kewénteyaa?



Kupónípe ritēii.







Ne péi!



Toké u kpu.

Toké Yerusalem piyomeyáhaa wéése ne nsimé tu piké kuyu kuwoi yukuse.


Kuyu aku lémesi... Yeesu nɛ upipiretiki api kúninɔi loni api Kalilee kupiyɛ sī.





Upíima, a ró come, to mílenle!



Yo nnya ke iwame ii nó we? Yei ye nónnéfatenɛ?










A niḡisi!
Séé!




Api kúninḡi rikóitimē-i kai n séélē
torisi. Mēse ne mēse...


RAAAAH!







Ani kutu rics. Ne keteni-i
kale ké Unésáa yee né n
tumme mela wa.
Ám linépsókó líka wai.




Yeesu yee pee iyaa hale ú
ha umecire keyóme n yási.



Kesine kenyine piyómeyáhaa
memáá uu upipiretiki kefi ne
pité wée. Uu kuyu kémee pi
tum pité pité. Uu ínnape pi
he re piké aníri n fe api ko
itói m psisente.



Piyee ne Antiree ye umáa
ne uwá íe...




Yare Yakupu ne Yohani...




Filipu ne Natanayeei
póo ko kápó.


Tomaa ne Mاتيyeē yēē
Rōm pikó ulampóoyōō
kpure.



Tatee ne uco kapi ye n sée
re Yakupu.



Pitóroō pēē Simōō ne
Yutasi Isikariyoti.




Ani m pō. Úye un kusáne nó n
yosí nē kúú yosí. Úye un kō né n
yosí uyēē nē n tumme kúú yosí.



Yeesu pipiretiki api
itume sī api pēeri
ne nkīnīnīe.
Yeesu un la yare uké
ne iyaa pi le amá
tisoiwui ári nkpání
kéyu u palē.

Líkpaakpaa ye piyele, amá pikeikó
pin fíílē. Ani ucarete we uké
pikeikó páme piké kpasi.




Κεσινε ακε wai Yeesu un ne pisoι cέσι un picc ποισεντε...




Filipu, yei kari yέ ακρόνό yέ toké ne pisoι kulúι nkú lukeise?

Sirówóó áσι nkpáni tulune!


Κεwά ημάνεπι κενyine ye nte ακρόνό anupū ne ikpíntomé ité ηmane má.




Ani awúí awúí pi tonse pisoι kuwóó kuwóó ritísí.




Yeesu ye Ulééca yási.



Uu ακρόνό ne ikpíntomé hóónente, ηπά úye uu lepu.



Pisoι ke Yeesu
uu keyáa kē n kpinii
ápi kumúnē má.



Uyee uyóriye kai m pise re
uké psee kam.

Toké iyóopi u tí!




Ani ripái!
Iluke toroo
anére kefi ne
até!



Toké pisoι kuisse, nó limemáa kúninoi
ne nkói téh. Né né nkáripι rikúú ntí
kecáa tone ké keyóme yáasi.





Kai rinsáσε.




AAAH!
Kunírilã!!!

Nέε lo, áni
kape wuri!



Upíima, in póo
lo a rinóo he
ké pǎ mē hapo!

Kam.



Upíima, a
né come!!



Piyεε, yo
nnya kaa
kákai?


Meyá yé peé lale piké Yeesu iyóopi tí, pin músu re u yé Róm pikó pree pikεcáá n tú lakase. Pico pṓ, pin ne iwóhó ημόópυλḗ. Pin músu re Yeesu ye ntenkpo le, api pico n tálisi piké Yeesu kpu.




Sáa, píyei kaa nté ka?

Akpónó kám pree nó he nnya kani né wélaari?

Ani kape iluke iyee nfónune nnya píri tónε, amá ani iyee ye íi n tenene wéési.




Née kukpónó kpee ye nfáa tenεcire n he. Inépiηε kam ye pisei pa piké ne nfáa n yé.



Íye ke usoi nkó uu uipiηε pane piké li má?

U tokorenteε.





Toké tosí!

Pisei kuu kίraase. Ani kam!



Áni la nké pico meco tosíi?

Úye mē kari sí? Pṓ, Upíima mpósímé mee ye nfáa tenεcire he.



Yerusalem iyaa kapi ye pɛɛ piwaikópekóó kari kunapéékóó
kɛcáá. Rɔm pikó akpanii kapi ye pɛɛ n wa ye nyɛ.



Úye un n la uké né ritiki,
li pise re uké umécire palei,
uu ukunapéékóó cɔni.



Úye un n la uké unfaa
lo n yé ne u nméherɛɛ,
amá úye un né nnya
unfaa m paa u yé n lɛɛɔ.



Ani ceri re Uléecaa ye
ucíreniye lɛ.



Likei kɛcire lɛɛ re ani Núnéléecaa n la ne
nónnénaɛɛ nnéí. Ani kɔ núnésoico n la
yare kani nórínécúruu ní la.




Yeesu nfaa kumúhè, úye un pɛe keyó m pólú pi ye kuyu liute lesɛɛ.



Uyó un ncée n tikilè, li pɛe pise re uké n yóólè te u uyó le.

Uyó!
Uyó!



Yeesu! Upíima!
A írówɛ ripaí.






Ani ha nómenécíre pèpèe ye Uléécáa inyóonse n wa nyíse.




Τοκέ u λεερω...
υκέ ιρόπιγε रिपाί?

Τό peii?



?

!




Εεε! Νε peile.



Το peile!

Ani kam!



Aleluya!
Uléécáa ye
nyamle!



Νόκεféfi áni peí?
Yei ye pèe use úu we tóroo?
Pè ticuruu ápi pèe Uléécáa
kupóonese wee?



A yisi! Mπόfatene ye pó
peisele nn ko pó yóriye.

Yeesu pikai pē ápi ne Yerusalem pisuifi piwéess risá. Api pitume yukuse piké ha lē ke Yeesu uu n wa yē.

Liriyíkí re rhpá ne piwaikópekó ke Yeesu uu loolii: piwásánkaí ne pílampooγó ppe ne Rom pikó n keisi.

Uyóriye ye kale uké ppepe m pōlaalē wéssi uké pi yoriye.


Yeesu uu pitóiko poisente rhpá ne kewénteyaa ketúnē.

A peí!


Uu siwá yósu ne rla.

Ani siwá tíye síké kenémee kam. Ppepe ne menyíne si í we ppe keléecayó te.


Api Yeesu séi Petanii
kuyu-i. Yerusalem ke kuyu
kpē akú ne kolē.
Lasaa ye utóikó le.
U ne Marita ne Maari ye
Yeesu pisané le.
Amá Yeesu uké
kelene Petanii n tu Lasaa
un nkpo masí.
Kapí ne u n kúlisi siyáa
sina kai wa.




Upíima, pòn pèe laa nté n
we unéyèi úu yee kpu.



Marita! Upóyèi ye nkpo-i
yisine.



Èèè, ne nyu rē u yé keyáa
tòròò kē ke pikpòkpo api
nkpo-i n yisine yisi.



Néè ye nkpo-i yukuse néè kò
nfáa. Úye un ne kefa né n
tene úu kpine. Pó ne mmē
kam m má kefa teneè?



Èèè, Upíima, ne ne kefa
tenele. Póò uyóriye kai m
pise rē uké ketē kecáá
kam, póò Ulééca Kēpipi.



Yei kani u yekei?

Upíima, kam
a yē!





Yeesu ye tēni. U pēe meyā Lasaa lale.

Úu yé pēe fe uu Lasaa nkpo kaasesee?



Pi ye Isirayēli ketē kecáá sisoikópe metó fonle. Api pēe kuparepo kapi n tú kēme si yekeipo.

Ani ripare tēe rikpíi n hánaalē hánne.



Upíima, u kpáhaile. Kapí ne u n kúlisi keyáa náii ye nké.


Nó Ulééca meyoopi yē.



Sáa, nen nní n wai ne la piké céri re póo né tumme



Lasaaaa!!
A leeme!



Ani u fénne ani yá uké sóne.

Ai meýánsei kuyu piwéése cój ke pisoí
apí ne Yeesu n kálaalē.



Usoi nkó ye meýā
mewaisaŋa wapisilē.

Tónsá u n tī Rom
pikó ápi sééne.


Pi yé kuróyómeyá-
haalee ne ntópurí nā.



Tóké mpo, usoi use nkpo
ye kutosi we ne kuyu
nnéi nkó!



Tó Yeesu nkó
kópune.





Kaí ne kumúgē kpe-i
rimpá pisuifi piwéése
apí kewáaná n
wéesi piké Rom pikó
anipe-i Yeesu wa.
Pimecire yee yé fe
apí rinóo yekei re
piké usoi kpu.

Kumúné kpe-i áí ne sá anyá an wọ̀ṅne Petanii-i.




Maari!



Tulaali nkó ye
kewóó píma le.




Tó pɛ fe ari
u yáí ari
píwékóó
siwóó
hekesi!




Yuta, a u riyá! Keyáa kē
kapi rikpíi-i né waine nnya
kuu tulaali nkó yekei!




Ke nkpo melóó anyá aa n nyahaimé,
pisoí kulúí apí Yerusalem-mē n táái.



Kumúnjé kpe-i piyómeyáhaa
wéésc pin yekei re piké Yeesu tí.
Yeesu pón kuyu-mē sí.






Kuu n tuipɔ, pisoɪ api atɔle pipépe u kápáá...


Oo yééé!

Oo yééé!



Uyee Ulééca rinyiri nnya n sónti uké nfáa taataa m má!


Isirayeeɪi uyɔɔpi rinyiri tiké n taálé.



Ípá úye uu Yeesu-mé n wurupɔ.

Mewai mmé áme yé lirókó nyóɔnse.

Yerusalem kuyómeyá-haalee
kræe ye pæe písui fi
piyómeyáhaa kehúú.



Nkræ mèlósó anyá kumýné
kei kapi ye pæe isáh kó.



Kuyómeyáhaalee-i kapi ye
inyóonse ico wa. Ulééca
uké piakópe pi sárei.




Yare inyóonse íye mpuri yæe
yé fe iké mæseisei sisoipipi
akópe ilasi-i lese?







Kuyómeyáhaalee kémæe, písoi apí né
pikpéense kéyu m mahani.




Mæse ne mæse Yeesu
uu lompó.






Ulééca keyo ye
keyómeyáhaayo le.
Amá nǎ ne ke
ripólósele keyaayo!



Usoi kpááree lo.
Amá pisoí nnéí
pee kó pee kutu
u colé!



Se toké ncée wéési
toké u kpu.




Τοκέ mesocho ne u tī ari u kopu.

Amá ái kape p̄e anyá kumúḡe. Insa l̄e iwóó yé cō.



Nen Yeesu n tī am nó pa alé kani né héélene?

Uupipiretiki use kapi ye n sée re Yutasi lo!



Né Yeesu tī am nó pa!




Tó meswóopipi afestaani pó pa, ulási use nnéi.



Μπά νε κυόμεγάααλεε
πιwέεσε ilaaro, Yeesu uu pisoι
πεε κυόμεγάααλεε-i n
cápινεlē ifaaci wai nkpo
μεlόό anyá aké kelene n li.


Yeesu uu siyáa tōroo kumúgē
Piyee ne Yohani maa re piké
anyá isaj isóolu wa.




Nnyóó Yeesu ne upipiretiki kefi ne pité
api kuyu-i cápine piké nkpo melóó anyá li.




Nnyóó mmú kam pinékei
waine!







Ne meýá káipile tó ne nnó
toké nkpa melóó anyá iluke
nnyí li ké kelene íwe li.



Piyóopi ye pikuyu pisoni
kacáá iyóopi lele.





Amá úye un n la uké
nókenécopre uwéése,
liute uké núnékeikó.



Ne nókenécopre we yare
núnékeikó.







Ani mewai mmé n nǎjlē,
ani ye ne kenécáá léise.



Ani yosí, inépiye
ye nnyí.



Ani kepóripi nké ntí.
Menénye mee n kǎonine nǒ
nnya ye mē. Nkóméine fale
kuú ne nó n séi ye mmē.



Isé fale kam nní la ké nó pa:
ani n lakaane yare kam
nó í la.



Nǎn nómenécǎpecire n
lakaane mpá úye yé pǎe
céri re no pinépiretiki le.



Upíima, pǎn yei n lǎ,
ne pǎ tíkine. Mǎ in
nkǎ ké kpu.

Piyee, pǎ kési metaani
kesē te áa né nyu icá
iké kelene n kooi.

Yeesu ne upipiretiki kefi ne use api kesineco kuyu lelu. Yutasi úu kumúgè kpe-i pikécòpe we...

Né ne nó riyá, amá Unésáa yé Nfáasone aseí ute nó páme nké nó lé nn nókenémee n we rípa píyei-po.

No kei kam nní n sí ncee nyule.

Née ncee, ne aseí ne nfáa. Úka úu yé Ulééca-i ha kuú ne né rimpá.

Ani nté nyere ké ha nté-po keyóme yáasi.

Sáa, lin kuwai n we, a ne íwe nnyí né to.

Amá rípa ne lé, merópóla meké wa, áí kape menékó.

No p̄one n̄k̄e n nyáni tinā tise kumúh̄é? Ani yisi aní pai uyee né n yáine ye tuimele.



Uyē kań ha m p̄rane ké yáasi, uyee lo, ani u t̄i!



Ne mp̄nyóó, Sáa.




Yutasi, meyh̄aa mmé kaá ne uyóriye yáine?

Up̄iima, ári yé at̄opi yosii?




Aai, áni kape líka wa!



Api Yeesu tini api ne t̄osu. Up̄ip̄iretiki nn̄éi api kp̄ii.



Απί νε Yeesu πρε γε Uléecaa inyóonse n wa
Pisuifi uwéese kémeε sí. Piyee ne
Yohani pin ketaa-po tikilē.



Piyee uu kéyocore-i lompo.




Pó, a né símisi, áa πρε
usoi nkó tikilēε?



Yo neé? Ám
nkpáni u nyu!

Μπά νε lē po piuse lε.



Ne re: Aai!



Πο Kalilee ukó lε.
Πο piuse lε.

Nnóome!
Ám u nyu!






Koko
riya
kooo!



Κεταα...



A υγεε πό η κάηη ημοίνου!



Kai n weesi api mmarε mmε ne Yeesu ketúhaane sī.

Πόσ Uléεσα
Kepipii?

Mmε kaa nní
ma.



Κύκύ, u Uléεσα lámisi.
Τοκέ u κpu. Τοκέ ne Rom
pικό ketúhaane-i u ha.

Απί νε Pilati kέμεε Yeesu sí. Pisuifi piwéése api nsímé u lapaase. Api kuyu pikó kuwói n waise.



Άα lē kapí νε πό n lapaase kómei? A rinóo yosí!




Yo kaa wa?

Ne kale ké asei lese ké nyíse.





Yo yee mpíí asei?



Άm ncaai níka ukεcáá yé. Nkpó melóo anyá kumúhε to inyékii inyine mále re toké ye ukpaniikó to. Parapasi νε pisuifi uyóopi kecope unyine wée.








Usoi uyee nkó.

Ani kunapéékwo-i u kariii!

Ani u kariii!

Ani u kariii!




Pilati uu rinípetei nyiki re piké u kpu. Yeesu uu kunapéékwo kécáa kapi u n kariii cóni uú ne Yerusalem icee nnéi kóónú.






Kuyu ilúké ke kelō ke-i kapi ye pee pisoí n kó aké we. Pi ye kelō ké sée re Kólikota (lelee re kúyu koṅoo).



Kei ke písóca api nní Yeesu kunapéékwo-i kariii.







Pilati uu tíyese api kukpáncúkú kuna kecáá karií. Api kukecáá ne meyu metaani wolu re: "Yeesu, pisuifi uyɔɔpi".

Yeesu uu piniré yúlu.

Pisóóca api paŋai rúpa úye uú ne ulikpíké-kpiké céru.



Ŋté pɔɔ pico yoriye má?

Pɔn Uléeca Kεpipi kunapékɔ́ kecáá súime!



A ripóóruu yoriye, aa kɔ́ tó yoriye!

Áa Uléeca wuruu? Akpanii kari ne menyine ní we kari nní le, amá uyé úu ncaai níka wa.

Pɔn píyei kepóóɔpitone-i n tone kape kenécáá palei.

Asei kam pɔ́ simisine, neni keyáa nké tó ne mpó ye pi keléecaayo-i.



Ituje kécíre kumúhè
kuḡmaha aku cóni.

Yeesu uni Maari ne Yohani ne
Yeesu upiretiki use pin
kunapéékoo keyúrí nyenu.

Ani nkpéni kupipi
ne kúni n séleins.

Unéléécaa, yo nnya
kaa né ḡmeriyè?

Nniré...
ye né welè.

Sáa, ne nnéfáa pó rimúise.

Μπά yo ye
piwai masile...!

Κετύνέ μετανι κumύνέ Yeesu uu kpi. Pisócca
api ilúké kupáǵ u tuhu míni ne ménye ame lééri.



Li Nléecaasime-i wólaalē
te: isáǵ mecc kapi u rikpáu
ne kesekó-pó.



Arókópe nnya kapi íwe ne
itói u wa.
U nkpeni kpule.



Ái uyee yé uyóriye yee
pree n sóntii?




Toké ha pise piké tó u pa
toké u kúlisi.




Yosefi Arimatee ukó ne Nikotem api
Yeesu kpísi. Api pisoikópete u fom, apí
ne kusánáá fale u pílisi api pree Yosefi
rikpíí kémee u tampo api kuparecaǵaa fi.



Kewénteyaa memáá,
pinósi pinyine pɛɛ
nkpɔ n tú api rikpíí-i sí.




Kuparecaṅaa
ye pimíílenlé!



Yo nnya kani pikpɔkpɔ
kɛɛɔɔɔ unyánnýá wéési?
U nkpɔ-i yisile ani ha lē
upipiretiki símisi.



Pinósi mɛpɛɛmɛ-maá,
Piyɛɛ nɛ Yohani api ntóó
kóraane nɛ rikpíí-pɔ.



Íye... Íye
kai wa?



Líka áli we...!






Maari uu rikpí-i símpo...




Pó unósi uyē, wóo kaa wéési, yoo mpíi pó ténse?



Pi Unépríma yááile. In póo kelō nké-i u lesepo a né símisi kei kaa u yekei.



Maari!




Sáa!



Kape né náñaise. A ha pinémáreco símisi re to ne nnó usaa-mē kam pele. Unéléécaa ne nń ticurru Uléécaa mē kam pele.

Κεγάα κῆ cιρε Yeesu pipiretiki pité pinyine pin
μπόσσαι ne ncée tikilē. Ucéetogé unyine uu pi
κράπο api πρέ ne lelee n wapisi n símaankeε.

Áni lē kai n wólaamelē ne kefatene.
Ái wólaalē te li pise re Uyóriye uké
íwe li uu pree kelene umeyōōpi-i Ioni?
Mekεε-me kai lē wólaalē!



Pin iluke le api piulukεcο
παα...

Yeesu γε
πρέ ne nté
nní ró tú!



Api mεεε ne mεεε Yerusalem pele piké
Yeesu pipiretiki tōcō lεεpο.

Το Uyóriye yenle!

Maari ne
Piyee γε kο u
yenle!



Mεεε ne mεεε.

Nóanékín
aké n
niǰú!





Né ηmaa lo, ani
anénipe ne anéna
ripai!



Unépiima
ne
Unéléεcαα




Yeesu uu siyáa afesna
upipiretiki keyu-i kráfúme.
Pisoí píle píle menupū
pese n cápinelē api u yenu.
Keyáa ke upipiretiki
pinyine api
pikpíntomescópii ha...





Piyee, pɔ mɛsei
né laa?



Metaani ke Yeesu uu lē
Piyee piɛɛ.



Εεε, Υρίμα, πῶ ticuruu pɔ
nyu ɛ ne pɔ lale.

In lē, a anésanyaha
kecáá ripaí.




A né ritiki!

Ketē ne keyóme nnaɛ nnéi kam
má. Ani ketē nnéi rikóónú, ani
mpuri nnéi pólóse pinépiretiki.
Ani ye meléecaani pi wole ne
Usáa ne Kepipi ne Nfáasɔne
rinyiri kémeɛ. Ani lē nnéi kam
nó n céési pi céési.



Ani n nyu ɛ ne nókenépire wele háí
ne ketē metene-pɔ.



Ifaaci iyē memáá Yeesu
uu keyóme-mē yóosi.
U pee peerine yare kuu m
ma uké ne sisoipipi
nnéi túhaane.

Κε Yeesu uu n tómpo api
Yerusalem-i kutu n cōlē
pin welu. Nfáasone nn
pree pikεcáá súiri.
Uléεca Nfaasone
mmee Yeesu kecáá n̄
we ye ko nkpeni
upiretiki kecáá wεs.
Uu pi pólose pisei fale
ne pree yé Yeesu
nsímé n yóólē.

Nkpo n̄n fe nké
Yeesu mēsunsε.
Uléεca ye
pikpōkpo-i u
yukusele.
Yeesu yee
ufoí Uléεca
meyōopi-i lompo.



Μπά ne iláaro ke pisei apí ne pi n
nyenu upiretiki api ayu n kóónulé.

Yeesu yee
Uléεca
Kεpipi.




Ne átele wolewole
kapi ko ne ífaaci
iyē tikóónú.

Kuu n kpine
kunapéékó
kecáá u arókope
cōnle. Uyē nnya
tó fe arí n sōne
yare lē ke
Uléεca uu n̄ la.



Ketē nké nnéi kémeε pεpε
Yeesu n tikilē yee cápinele
api kesé keyóme yáasi api
ko Nléεcaasime ritεle kéeni.
Pi yé ko kesé unkpo
kecáá léise. Api ko n̄la
ke Uléεca uu pisifa-i n
wa nyísentene.

Lē ke Ulééca uú pēé
ne kesoipipi n̄ la ye
wale Yeesu nnya.



Yeesu ye pó lalē, a u
riwula, aa u yáási.



Ulééca ye meyansei
ketē nnéí lalē uu lē nnya
ukepipi cireníŋe he.
Úye un ne kefa ke n
tense, u nkpo-i ŋméheresele,
uu nfáa m má.



WILLEM DE VINK

Yeesu ifaaci íi tene

Pisoι pina ppe Yeesu mewai n yé ye átélé-i ifaaci wolisile. Átelé nyee Nléécaasime ritelé kapi ye n sée re Pipili kémee wewe. Pó fe aa ripóóruu ri keeni.

MATYEE

Matiyee ye ppe Yeesu pipiretiki kefi ne pité kecape use le. Kaperinawum-po kekci ke-i kuu ye lampoo n yosi, kuu tú Yeesu uú ne u séi. Ai pisoι píri wai ke Yeesu uú ne úlampóoyó ipiretiki n tí. Mewai meya ke Matiyee uu yé uu ko linsimé átélé-i wólisi.

MARIKI

Nsímé Keciye ke Mariki uu n wói n mecaá we. Kumúhé kpe-i ke Yeesu uu Isirayeli keteni-i n we Mariki un ne riwá tiselé. Mariki ye Yeesu ritikile ai náhai. Piyee ricuruu ye uatelé wole-wole aco kémee Mariki sée re "ukepipi". Póoli yee ne Nsímé keciye pisaana tomé ayu rikónú.

LUKI

Luki úu Yeesu pipiretiki use. Amá rúpa ne lé u Nsímé Keciye ritelé wóile. U ppe upoise píima le. Luki uké kelene ritelé té n wói, u ne pisoι ppe Yeesu n nyu nsone rikole. Piyómeyáhaa foí ppe ppe Yeesu ana rintiki, Luki yee pinsé ne pimewai nnéi nsímé ritelé-i wói.


YOHANI

Pi ye ko ppe u sée re Yeesu ulala, uyee ye ne lé meya Yeesu n kolé. U kéto-po Nsímé Keciye wai re: "Yeesu ye mewaisaha meya wapisile, amá pi mmú wóile noké ne n céri re Yeesu yee uyóriye yare kai n wólaamelé. Úye un ne kefa u n tene, liute yé nfáa yé." Yeesu pipiretiki nnéi kémee Yohani yee yé ko nfáa taa-taa n yé. Uyee ko Nléécaasime ritelé toro wai. Lé ke Yeesu uu umeyoopi u nyise kuu ritelé te-i wói.

PÓ NI!

Yeesu ifaaci íi tene. Pisoι meya ye itansei nyerele pimewee kémee re Yeesu ye wewe. Yeesu ye ko ripóo mále re uké ipósoi kémee pó lé. U lale uké ipólúké n we un unla pó nyise rúpa piyei. Lé nnéi lee kuymaha m má, Yeesu un kei n hapo li ye rikpáiiile. Ne Yeesu nnahe, nkpo n kupese pó cásehe. U rinóo yekei re toké n tálé te tó nfáa teneciré yé. Lé ke Uléécaá uú ne pó n la, ne Yeesu nnahe, li yé wa. A riymóópú a ne Yeesu ncée ripéne. Mpócee nké sonesi.





Yeesu Uyóriye

Títelé ntí tæ nyíse ne rínanje yare kufotoo. Lẽ ke Yeesu uu upikei n wa yare lẽ kai Nsímé Kεcire atele kena kémεε n wólaalẽ. Títele ntí meyu áme meyá páápú. Tinfasime rín pikóme pólú n ko ne Nléεcaasimé ritele kapi ye n sée re Pipili kolenle. Títele ntí ifaaci ye ikεcire le. Íi ko tene. I nojlenlẽ ne není-me.

langue: Sola